

**RISHPALLJE E THIRRJES PËR PARAQITJEN E SHPREHJES SË INTERESIT NGA
KANDIDATËT E RINJ TË SHOQËRISË CIVILE QË JANË TË INTERESUAR PËR
ANËTAR TË KËSHILLIT TË LARTË GJYQËSOR**

Bazuar në nenet 55 dhe 276 pika 8 të ligjit 115/2016 “Për organet e qeverisjes së sistemit të drejtësisë”, Sekretari i Përgjithshëm i Kuvendit me vendimin nr. 3, datë 17.03.2017, rishpall thirrjen për paraqitjen e shprehjes së interesit nga kandidatët e rinj të shoqërisë civile për vend vakant për një anëtar të Këshillit të Lartë Gjyqësor nga radhët e anëtarëve të organizatave të shoqërisë civile.

Njoftohen anëtarët e organizatave të shoqërisë civile që janë të interesuar të kandidojnë për anëtarë të KLGJ dhe që plotësojnë kushtet e parashikuara në nenin 54, pika 2 të ligjit 115/2016 “Për organet e qeverisjes së sistemit të drejtësisë”, që brenda datës 1 Prill 2017, të shprehin interesin e tyre përmes një kërkesë me shkrim drejtuar Avokatit të Popullit.

Krahas kërkesës me shkrim, të interesuarit bashkëngjisin, të paktën, dokumentet e mëposhtme:

- a) jetëshkrimin e përditësuar;
 - b) një platformë personale të qëllimeve dhe objektivave që propozojnë të ndjekin në qoftë se zgjidhen;
 - c) formularin e vetëdeklarimit sipas kërkesave të ligjit “Për garantimin e integritetit të personave që zgjidhen, emërohen ose ushtrojnë funksione publike”;
 - ç) një deklaratë përkundrejt përgjegjësisë ligjore që nuk kanë qenë anëtarë ose bashkëpunëtorë të ish-Sigurimit të Shtetit para 2 korrikut 1991 në kuptimin e ligjit “Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë”;
 - d) një deklaratë përkundrejt përgjegjësisë ligjore se nuk janë bashkëpunëtorë, informatorë ose agjentë të ndonjë shërbimi sekret;
1. dh) çdo dokument tjetër që vërteton përmbushjen e kushteve ligjore të parashikuara në nenin 54, pika 2 të ligjit 115/2016 “Për organet e qeverisjes së sistemit të drejtësisë”.

Ka të drejtë të kandidojë çdo anëtar i organizatës së shoqërisë civile që plotëson kushtet e nenit 54, pika 2 të ligjit 115/2016 “Për organet e qeverisjes së sistemit të drejtësisë” dhe që siguron mbështetjen e së paku tre organizatave të shoqërisë civile, që punojnë në fusha të lidhura me sistemin e drejtësisë ose të drejtat e njeriut.

Shprehja e interesit dhe dokumentet shoqëruese duhet të dërgohen në adresën elektronike reformanedrejtesi@avokatipopullit.gov.al, si dhe në adresën postare të Avokatit të Popullit: Blv. “Zhan D’Ark”, Nr. 2, Tiranë.

Bashkëlidhur formulari tip për dhënien e mbështetjes kandidatë për anëtar të KLGJ nga shoqëria civile.

DEKLARATË

PËR DHËNIEN E MBËSHTETJES KANDIDATIT PËR ANËTAR TË KËSHILLIT TË LARTË GJYQËSOR NGA SHOQËRIA CIVILE

Bazuar në nenin 54, pika 5, të ligjit 115/2016 “Për organet e qeverisjes së sistemit të drejtësisë”

Unë, i/e nënshkruari/a

Emër, Mbiemër _____

Përfaqësues ligjor i (emri i organizatës së shoqërisë civile) _____

Me anë të kësaj deklarate, deklaroj mbështetjen e organizatës, për z./znj. _____, që kandidon për t’u zgjedhur anëtar/e i/e Këshillit të Lartë Gjyqësor.

(Emër Mbiemër)

(nënshkrimi, vula)

Data...../2017